



Bou ons kinders vir môre

Sondagskool 4

Lestitel: Elia en die weduwee van Sarfat

'n Ouerhandleiding

Sondagskooltuisonderrig



Liewe Ouer

Welkom by die les: “**Elia en die weduwee van Sarfat**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSH5
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus in Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jousef aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Elia en die weduwee van Sarfat
Bybelwoord	1 Konings 17: 6-24
Lesdoelwit	Die kinders se geloof in God se hulp word versterk. God bly by sy woord en sy beloftes.

Lesopsomming:

- Agab, die koning van Israel, is getroud met Isébel, die dogter van die heidense koning van Sidon, en sy het die gode van haar vaderland, Baäl en Asera, saam met hulle profete na Israel gebring. Die koninklike hof en die meerderheid van Israel het hierdie gode aanbid en afgodediens beoefen.
- Die Here se profeet, Elia, het die volk gewaarsku om van Baäl-aanbidding weg te draai en God te gehoorsaam. Die Here het toe vir Elia gesê dat hy 'n boodskap aan koning Agab moes deurgee. Elia het die koning gewaarsku: “Sowaar as die Here, die God van Israel, leef, voor wie se aangesig ek staan, daar sal geen dou of reën in hierdie jare wees nie, behalwe op my woord!”
- Toe het God vir Elia gesê om in 'n kloof te gaan skuil, naby die spruit van Krit. Hier was hy veilig van Isébel se vervolging en sou God hom van water en voedsel voorsien. Elia het God se opdrag gehoorsaam. Hy het water uit die spruit gedrink en kraaie het elke oggend en elke aand vir hom brood en vleis gebring.
- Net soos Elia gesê het, was daar geen reën of dou nie. Die mense het Baäl om hulp gevra, maar die grond het droog geword en die oeste het misluk. Selfs die spruit van Krit het opgedroog. God het Elia toe na Sarfat gelei, waar 'n weduwee hom van voedsel en water sou voorsien.
- Toe Elia in Sarfat aankom, het hy die weduwee gesien en haar gevra: “Bring tog vir my 'n stukkie brood saam.” Die weduwee antwoord: “So waar as die Here u God leef, ek het nie 'n broodkoek nie, net maar 'n handvol meel en 'n bietjie olie in die kruik om 'n laaste maaltyd vir myself en my seun te maak, dat ons dit kan eet en sterwe.”
- Elia het haar aangesê om nie bang te wees nie, maar om huistoe te gaan en vir hom 'n klein brood te maak en dan brood vir haar en haar seun te bak. “God sal die meel en olie nie



laat opraak voordat die reën weer kom nie." Die weduwee het hom gehoorsaam en hulle het saam geëet.

- Toe sy later na die pot meel en kruik olie gaan, sien sy dat die meel en olie nie opgebruik is nie. God het sy belofte vervul. Ongeag hoeveel meel en olie hulle gebruik het, dit is vervang. Deur hierdie wonderwerk het God hulle van honger gered.
- 'n Ruk later het die seun van die weduwee baie siek geword en gesterf. Sy het toe vir Elia geskreeu: "Het jy my kom herinner aan my sonde en my seun doodgemaak?" Elia het die seun na sy kamer geneem en tot die Here gebid.
- Toe strek hy hom uit na die kind en roep uit: "Here, laat hierdie seun se siel na hom terugkeer." 'n Groot wonderwerk gebeur, die seun begin weer asemhaal en maak sy oë oop. Elia neem hom toe na sy moeder. Sy kan haar oë nie glo nie. Hierdie ervaring het haar geloof in God versterk.

Wat beteken hierdie les vandag vir ons?

- Beide Elia en die weduwee het God se hulp ervaar.
- God het sy beloftes aan Elia gestand gedoen en hom beskerm en hom van water en voedsel tydens die droogte voorsien.
- Die weduwee se ervarings met God het haar geloof en vertroue in Hom versterk.
- Ons kan ook God se hulp keer op keer ervaar.

God sal ons altyd help en sy beloftes nakom, ons moet Hom net vra en vertrou.

Sommige vrae wat ons kan vra:

1. Waarom het God vir Elia 'n skuilplek in 'n kloof gegee?

Antwoord: Om hom teen die vervolging van Isébel te beskerm.

2. Hoe het Elia kos gekry?

Antwoord: Kraaie het elke oggend en elke aand vir hom brood en vleis gebring

3. Waarheen het God vir Elia gestuur toe die spruit opgedroog het?

Antwoord: Na Sarfat

4. Wie het God gesê, sal daar na hom omsien?

Antwoord: 'n Weduwee

5. Wat het met die seun van die weduwee gebeur?

Antwoord: Hy het gesterf en Elia het hom met God se hulp weer lewend gemaak



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.